

## Izveštaj o radu Uprave policije MUP-a Kantona Sarajevo za period januar - mart 2023. godine

### KRIMINALITET

#### STATISTIČKI POKAZATELJI

U periodu januar - mart 2023. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovan je 991 događaj sa obilježjem krivičnog djela što je za 36 ili 3,8% više u odnosu na period januar – mart 2022. godine.

Od ukupnog broja registrovanih događaja sa obilježjem krivičnog djela, 450 ili 45,4% je evidentirano po poznatom izvršiocu, a 541 ili 54,6% po nepoznatom izvršiocu.

**Od 541-nog događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 235 ili 43,4% što je za 14,6% više u odnosu na uporedni period.**

U izvještajnom periodu Uprava policije MUP KS nadležnim tužilaštvima prosljedila je na odluku putem administrativnog djelovodnika ukupno 412 obavijesti (210 manje) o događajima u kojima je pričinjena neznatna materijalna šteta od kojih su za 23 naknadno identifikovani osumnjičeni izvršiocu i prosljeđeni službeni izvještaji nadležnom tužilaštvu (13 više).

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U PERIODU JANUAR- MART 2023/22. GODINE

period	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>JANUAR -MART 2023. GODINE</b>	<b>991</b>	<b>450</b>	<b>541</b>	<b>235</b>	<b>126</b>	<b>600</b>	<b>15</b>	<b>343</b>	<b>239</b>	
JANUAR -MART 2022. GODINE	955	455	500	144	116	554	13	319	193	
<i>uporedba</i>	+/-	36	-5	41	91	10	46	2	24	46
	%	3,8%	-1,1%	8,2%	63,2%	8,6%	8,3%	15,4%	7,5%	23,8%

Prijavljeno je 600 lica (46 više), među kojima su 343 povratnika u vršenju krivičnih djela (24 više) (ili 57,2% od ukupnog broja prijavljenih lica), 15 maloljetnika (dva više), a 239 lica je lišeno slobode (46 više).

Za događaje sa obilježjem krivičnog djela, koji su evidentirani u izvještajnom periodu, prema izjavama oštećenih lica, nastupila je materijalna šteta u ukupnom iznosu od 2.050.659,59 KM i 33.200 € (u istom periodu prethodne godine nastala materijalna šteta iznosila je 1.941.963,69 KM i 29.854,82 €)

PREGLED DOGAĐAJA SA OBIJEŽJEM KRIVIČNOG DJELA U PERIODU JANUAR - MART 2023/22. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a

KZ FBiH-a i KZ BiH-a	JANUAR - MART 2023. GODINE	JANUAR -MART 2022. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijtjenih događaja	
			+ / -	%			broj	%
Protiv ustavnog poretka Federacije	0	1	-1	---	0	0	0	---
Protiv života i tijela	44	66	-22	-33,3%	36	8	3	37,5%
Protiv slobode i prava čovjeka i građanina	64	60	4	6,7%	55	9	5	55,6%
Protiv spolne slobode i morala	4	1	3	300%	4	0	0	---
Protiv braka, porodice i mladeži	57	56	1	1,8%	57	0	0	---
Protiv zdravlja ljudi	99	73	26	35,6%	99	0	0	---
Protiv privrede, posl. i sigur. platnog prom.	3	0	3	---	3	0	0	---
Protiv radnih odnosa	3	0	3	---	3	0	0	---
Protiv imovine	571	588	-17	-2,9%	80	491	220	44,8%
Protiv okoliša, poljop. i prirodnih dobara	1	2	-1	-50%	1	0	0	---
Protiv opće sigurnosti ljudi i imovine	32	23	9	39,1%	7	25	4	16,0%
Protiv sigurnosti javnog prometa	26	30	-4	-13,3%	26	0	0	---
Protiv pravosuđa	15	6	9	150%	9	6	2	33,3%
Protiv javnog reda i pravnog prometa	31	29	2	6,9%	29	2	1	50%
Protiv podmićivanja i krivična djela protiv.	22	8	14	175%	22	0	0	---
KD korupcije i KD protiv službene i druge odgovorne funkcije (KZ BiH)	1	0	1	---	1	0	0	---
KD protiv pravosuđa (KZ BiH)	1	0	1	---	1	0	0	---
Dogovor, pripemanje, udruživanje i organizirani kriminal (KZBiH)	6	0	6	---	6	0	0	---
ZONDINOIM-a (Sl.novine KS br.01/18)	11	12	-1	-8,3%	11	0	0	---
UKUPNO	991	955	36	3,8%	450	541	235	43,4%

Tokom prva tri mjeseca 2023. godine u odnosu na isti period prethodne godine, zabilježeno je povećanje broja registrovanih događaja sa obilježjem krivičnog djela za 36 ili 3,8%. Povećanje je zabilježeno u oblastima protiv zdravlja ljudi (za 26 događaja), „podmićivanja“ (za 14), pravosuđa (za devet), dok je smanjenje evidentirano u oblasti protiv života i tijela (za 22 događaja), imovine (za 17), sigurnosti javnog prometa (za četiri događaja).

U prvom tromjesečju 2023. godine za 270 službenih izvještaja, od strane Kantonalnog tužilaštva, donesena je naredba o obustavi i neprovođenju istrage (66 ili 19,6% manje u odnosu na uporedni period).

PREGLED DOGAĐAJA SA OBIJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U periodu januar - mart 2023. godine evidentirana su 44 događaja sa obilježjem krivičnog djela iz oblasti protiv života i tijela (22 manje u odnosu na uporedni period) i to 36 po poznatom i osam po nepoznatom izvršiocu. Evidentirani su sljedeći događaji:

- ubistvo u pokušaju (član 166. KZ FBiH u vezi člana 28.) – jedan događaj (tri manje),
- teška tjelesna ozljeda (član 172. KZ FBiH) – 15 (jedan manje) i
- lahka tjelesna ozljeda (član 173. KZ FBiH) – 28 događaja (16 manje).

Nadležnom tužilaštvu podneseni su službeni izvještaji protiv 40 lica (35 manje), od koji je 15 povratnika ili 37,5%, a pet je lišeno slobode (14 manje).

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 64 događaja sa obilježjem krivičnog djela (četiri više) i to: ugrožavanje sigurnosti – 61, otmica – dva i neovlašteno optičko snimanje – jedan događaj, za čije je izvršenje evidentirano 61. lice, od čega je 29 povratnika (ili 47,5%), a 15 lica je lišeno slobode.

UPOREDNI POKAZATELJI BROJA REGISTROVANIH DOGAĐAJA SA OBILJEŽJEM KRIVIČNOG DJELA  
UGROŽAVANJE SIGURNOSTI IZ ČLANA 183. KZ FBiH-a PO MJESECIMA U PERIODU JANUAR – MART 2023/22. GODINE

UGROŽAVANJE SIGURNOSTI (ČLAN 183. KZ FBiH-a)	JANUAR	FEBRUAR	MART	JANUAR – MART 2023/22. GODINE
<b>JANUAR – MART 2023. GODINA</b>	<b>16</b>	<b>26</b>	<b>19</b>	<b>61</b>
JANUAR – MART 2022. GODINA	24	17	17	58
<i>UPOREDBA</i>	+, -	-8	9	2
	%	-33,3%	52,9%	11,8%
				3
				5,2%

PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirano je 57 događaja sa obilježjem krivičnog djela (jedan više) i to: nasilje u porodici - 55, oduzimanje djeteta ili maloljetnika i zapuštanje ili zlostavljanje djeteta ili maloljetnika – po jedan događaj, za čije izvršenje je prijavljeno 61. lice, od čega su 26 povratnik (ili 42,6%), a 42 lica su lišena slobode.

UPOREDNI POKAZATELJI BROJA REGISTROVANIH DOGAĐAJA SA OBILJEŽJEM KRIVIČNOG DJELA  
NASILJA U PORODICI IZ ČLANA 222. KZ FBiH-a PO MJESECIMA U PERIODU JANUAR – MART 2023/22. GODINE

NASILJE U PORODICI (ČLAN 222. KZ FBiH-a)	JANUAR	FEBRUAR	MART	JANUAR – MART 2023/22. GODINE
<b>JANUAR – MART 2023. GODINA</b>	<b>17</b>	<b>18</b>	<b>20</b>	<b>55</b>
JANUAR – MART 2022. GODINA	17	15	21	53
<i>UPOREDBA</i>	+, -	<i>isto</i>	3	-1
	%	---	20%	-4,8%
				2
				3,8%

PROTIV ZDRAVLJA LJUDI

Evidentirano je 99 događaja sa obilježjem krivičnog djela iz oblasti protiv zdravlja ljudi (26 više) i to:  
- Neovlaštena proizvodnja i stavljanje u promet opojnih droga (čl. 238. KZ FBiH) – devet (sedam manje),  
- Posjedovanje i omogućavanje uživanja opojnih droga (čl. 239. KZ FBiH) – 90 događaja (33 više).  
Nadležnom tužilaštvu podneseni su službeni izvještaji protiv 98 lica (24 više), među kojima je 61 povratnik (ili 62,2%), a 53 lica su lišena slobode (22 više).

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv deset lica zbog postojanja osnova sumnje da su u proteklom periodu proizvodili (uzgajali stabljike „kanabisa“), kupovali opojnu drogu "Marihuana", "Amfetamin", od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime su počinili krivično djelo iz člana 238. KZ FBiH-a (Neovlaštena proizvodnja i stavljanje u promet opojnih droga) i protiv 88 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Heroin“, „Amfetamin“, „Ecstasy“, „Kokain“ itd.) čime su počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U PERIODU JANUAR - MART 2023/22. GODINE

VRSTA OPOJNE DROGE	JANUAR – MART 2023. GODINE	JANUAR – MART 2022. GOD.
Marihuana (u gramima)	<b>7.093,201</b>	10.433,42
Marihuana (paketići)	<b>165</b>	25
Heroin (u gramima)	<b>1,741</b>	---
Heroin (paketići)	<b>6</b>	20
Amfetamin (u gramima)	<b>4.113,519</b>	2.087,412
Amfetamin (paketići)	<b>52</b>	4
Speed (u gramima)	<b>1,689</b>	8,895
Speed (paketići)	<b>21</b>	15
Cannabis (stabljike)	<b>1</b>	131
Ecstasy (tablete)	<b>9</b>	28
Kokain (u gramima)	<b>9,192</b>	---
Hašiš (paketići)	<b>4</b>	---
pribor sa ostacima droge (kom.)	<b>26</b>	28

PROTIV IMOVINE

U izvještajnom periodu, evidentiran je 571 događaj sa obilježjem krivičnog djela protiv imovine (80 po poznatom i 491 po nepoznatom izvršiocu) što je za 17 ili 2,9% mane u odnosu na isti period prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 237 (36 manje),
- krađa (član 286. KZ FBiH) – 208 (56 više),
- razbojništvo (član 289. KZ FBiH) – 45 (pet manje),
- oštećenje tuđe stvari (član 293. KZ FBiH) – 46 (četiri manje),
- utaja (član 290. KZ FBiH) – devet (sedam manje),
- teška krađa u pokušaju (član 287. KZ FBiH u vezi člana 28.) – osam (jedan manje),
- prijevara (član 294. KZ FBiH) - šest (15 manje), itd.

Nadležnom tužilaštvu podneseni su službeni izvještaji protiv 205 lica (35 više), od kojih je 151 povratnik (ili 73,6%), a 77 je lišeno slobode (11 više).

Od ukupno 491 događaja evidentiranih po nepoznatom izvršiocu iz oblasti protiv imovine, naknadno je rasvjetljeno 220 ili 44,8% što je za 16,7% više u odnosu na uporedni period 2022. godine.

Tokom tri mjeseca ove godine, 86 teških krađa izvršeno je u motorna vozila (otuđenja motornih vozila i “provale” u ista - 32 više u odnosu na uporedni period), 66 u stambene objekte (34 manje), 61 u poslovne prostorije (jedna manje), 17 na ulici (devet manje), itd.

Evidentirano je 20 otuđenja motornih vozila, a deset vozila je pronađeno i vraćeno vlasnicima (policijski službenici Uprave policije MUP-a KS-a pronašli su i vratili – šest, MUP RS-a – dva i vlasnici – dva vozila).

Broj otuđenih motornih vozila u odnosu na uporedni period povećan je za 11. Zbog postojanja osnova sumnje da su učestvovali u otuđenju motornog vozila nadležnom tužilaštvu podneseni su službeni izvještaji protiv dva lica, koja su lišena slobode.

Evidentirano je 208 događaja sa obilježjem krivičnog djela krađe (56 više) i to na ulici - 81, u poslovnim prostorima – 56, u vozilima i na stajalištima GRAS-a – 23, u stambenim objektima - 28, odakle su otuđivani novčanici, mobiteli, prehrambeni proizvodi, ogrijevno drvo, metalni profili, bicikli, auto-dijelovi, itd.

Evidentirano je 16 događaja sa obilježjem krivičnog djela teška krađa na naročito opasan ili naročito drzak način (devet manje), u kojima su izvršioci, upotrebom fizičke snage (otimanjem i trganjem) - 13

puta i verbalnom prijetnjom u tri slučaja, otimali mobitele, novac, nakit i tašne, a evidentirani su: 12 puta na ulici, u prodavnici, stanu, tramvaju i u ugostiteljskom objektu – po jedan.

Posmatrano po lokacijama, po dva događaja sa obilježjem krivičnog djela teška krađa na naročito opasan ili naročito drzak način registrovana su u ulicama: Zmaja od Bosne i Velika aleja.

U prvom tromjesečju ove godine evidentirano je 45 događaja (11 po poznatom i 34 po nepoznatom izvršiocu) sa obilježjem krivičnog djela razbojništva (pet manje).

Nadležnom tužilaštvu podneseni su službeni izvještaji protiv 28 lica, od kojih su 24 povratnika (ili 85,7%), a 19 lica je lišeno slobode.

Od ukupno 34 događaja razbojništva evidentiranih po nepoznatom izvršiocu, naknadno je rasvijetljeno 13 ili 38,2% što je za 18,3% manje u odnosu na uporedni period.

BROJ DOGAĐAJA SA OBILJEŽJEM KRIVIČNOG DJELA RAZBOJNIŠTVO (ČLAN 289. KZFBiH-a)  
U PERIODU JANUAR - MART 2023/22. GODINE

godina/mjesec		januar	februar	mart	UKUPNO
<b>2023. godina</b>		<b>12</b>	<b>13</b>	<b>20</b>	<b>45</b>
2022. godina		11	17	22	50
uporedba	+/-	1	-4	-2	-5
	%	9,1%	-23,5%	-9,1%	-10%

Razbojništva su izvršena prijetnjom upotrebe vatrenog oružja – 11 puta, prijetnjom upotrebe noža ili drugog oštrog predmeta – 20 i upotrebom fizičke snage – 14 puta, a počinjena su u sportskim kladionicama – 12 puta, u poslovnim prostorijama – 11, na ulici – 18, na benzinskim pumpama – tri i u apoteci – jednom. Otudivan je novac, mobiteli, cigarete, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirana su 32 događaja (devet više) i to: izazivanje opće opasnosti – 29, teška krivična djela protiv opće sigurnosti ljudi i imovine, nesavjesno čuvanje pasa i drugih opasnih životinja i izazivanje opće opasnosti u pokušaju – po jedan događaj.

Nadležnom tužilaštvu su podneseni službeni izvještaji protiv 17 lica, od kojih je 12 povratnika (ili 70,6%), a sedam je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – 21 i u zatvorenom - osam puta, pri čemu je 13 puta otvorenim plamenom izazvan požar, u šest slučajeva pucano je iz vatrenog oružja, u tri puta je aktivirana nepoznata eksplozivna naprava, a u sedam slučajeva radilo se o lažnoj dojavi o postavljenoj eksplozivnoj napravi u Općinskom sudu Sarajevo i školama na području Kantona Sarajeva. Posljedica izvršenja navedenih događaja su ranjavanje jednog lica, nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentiran je 31 događaj sa obilježjem krivičnog djela (dva više) i to: nedozvoljeno držanje oružja ili eksplozivnih materija – deset, nasilničko ponašanje – osam, napad na službenu osobu u vršenju poslova sigurnosti – šest, krivotvorenje isprave – tri, ovjeravanje neistinitog sadržaja – dva, sprječavanje službene osobe u vršenju službene radnje i povreda mira pokojnika – po jedan događaj.

Nadležnom tužilaštvu podneseni su službeni izvještaji protiv 43 lica od kojih je 20 povratnika u vršenju krivičnih djela (ili 46,5%), a 21 je lišeno slobode.

1.2.8. PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirana su 22 događaja sa obilježjem krivičnog djela (14 više) i to: zloupotreba položaja ili ovlaštenja – 15, pronevjera u službi – tri, davanje dara i drugih oblika koristi i primanje dara i drugih oblika koristi za trgovinu uticajem – po dva događaja. Nadležnom tužilaštvu podneseni su službeni izvještaji protiv 17 lica, a šest je lišeno slobode.

DOGAĐAJI SA OBILJEŽJEM KRIVIČNOG DJELA REGULISANI ZONDINOIM-om

U periodu januar-mart 2023. godini evidentirano je 11 događaja (jedan manje) regulisanih Zakonom o nabavljanju, držanju i nošenju oružja i municije Kantona Sarajevo i nadležnom tužilaštvu podneseni su službeni izvještaji protiv 11 lica.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U periodu januar-mart 2023. godine evidentirano je 14 događaja sa obilježjem krivičnog djela, u kojima je učestvovalo 15 maloljetnih lica. U odnosu na isti period 2022. godine povećan je broj maloljetnih lica za dva ili 15,4%, a broj događaja sa obilježjem krivičnog djela smanjen za jedan ili 6,7%.

Broj prijavljenih maloljetnika prema dobi je slijedeći: od 16 do 18 godina - sedam, od 14 do 16 godina - pet i do 14 godina - tri, među kojima su evidentirana i tri povratnika (ili 20%).

TABELARNI PREGLED DOGAĐAJA SA OBILJEŽJEM KRIVIČNOG DJELA  
U PERIODU JANUAR – MART 2023/2022. GODINE, PO POLICIJSKIM UPRAVAMA

period	Sektor krim. policije	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	ukupno	
<b>januar - mart 2023. god.</b>	<b>1</b>	<b>2</b>	<b>4</b>	<b>2</b>	<b>3</b>	<b>0</b>	<b>0</b>	<b>2</b>	<b>0</b>	<b>14</b>	
januar - mart 2022. god.	4	0	2	2	2	2	1	2	0	15	
uporedba	+/-	-3	2	2	0	1	-2	-1	0	0	-1
	%	75%	---	100%	isto	50%	---	---	isto	---	6,7%

Događaji sa obilježjem krivičnog djela u kojima su učestvovala maloljetna lica, evidentirani su u sljedećim organizacionim jedinicama Uprave Policije:

- Sektor krim.policije – jedan događaj (teška krivična djela protiv sigurnosti javnog prometa),
- PU Stari Grad – dva događaja (ugrožavanje sigurnosti)
- PU Centar – četiri događaja (laka tjelesna ozljeda, ugrožavanje sigurnosti, krađa i razbojništvo – po jedan)
- PU Novo Sarajevo – dva događaja (krađa i oštećenje tuđe stvari – po jedan),
- PU Novi Grad – tri događaja (lahka tjelesna ozljeda, posjedovanje i omogućavanje uživanja opojnih droga i teška krađa na naročito opasan ili naročito drzak način – po jedan),
- PU Vogošća – dva događaja (nasilje u porodici i nasilničko ponašanje – po jedan).

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA  
MALOLJETNA LICA U PERIODU JANUAR- MART 2023/2022. GODINE

događaji sa obilježjem krivičnog djela (KZ FBiH)	januar-mart 2023.	januar-mart 2022.
Ubistvo	---	1
Teška tjelesna ozljeda	--	2
Lahka tjelesna ozljeda	<b>2</b>	6
Ugrožavanje sigurnosti	<b>3</b>	---

Nasilje u porodici	<b>1</b>	1
Posjedovanje i omogućavanje uživanja opojnih droga	<b>1</b>	---
Krađa	<b>2</b>	---
Teška krađa na naročito opasan ili naročito drzak način	<b>1</b>	---
Razbojništvo	<b>1</b>	1
Teška krivična djela protiv opće sigurnosti ljudi i imovine	---	1
Udruživanje radi činjenja krivičnih djela	---	2
Oštećenje tuđe stvari	<b>1</b>	---
Teška krivična djela protiv sigurnosti javnog prometa	<b>1</b>	---
Nasilničko ponašanje	<b>1</b>	1
<b>UKUPNO</b>	<b>14</b>	<b>15</b>

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO-EKSPLOZIVNIH SREDSTAVA

U periodu januar - mart 2023. godine na području Kantona Sarajevo evidentirana su tri događaja aktiviranja minsko-eksplozivnih sredstava (četiri manje) usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaženju učinilaca.

Evidentirane su 84 anonimne dojave o postavljenoj eksplozivnoj napravi (60 više), a odnosile su se na škole i sudove na području Kantona Sarajevo. Nakon KDZ pregleda utvrđeno je da su dojave bile lažne.

##### POŽARI

U prvom kvartalu godine na području Kantona Sarajevo registrovano je 30 požara (35 manje) koji su za posljedicu imali materijalnu štetu.

Prema statističkim pokazateljima 14 požara je izazvano namjerno, pet zbog tehničkih nedostataka, tri nehatom, dok uzroci osam požara spadaju u kategoriju ostalih.

Požari su evidentirani u:

- stambenom objektu - 11 puta,
- saobraćajnom sredstvu - 10 puta,
- poslovnom prostoru - četiri,
- pomoćnom objektu – tri i
- proizvodnom objektu i ostalim objektima – po jednom.

Zbog izazivanja požara nadležnom tužilaštvu podneseno je 17 službenih izvještaja: 13 iz člana 323 KZ FBiH (izazivanje opće opasnosti) i četiri iz člana 301 KZ FBiH (Paljevina).

##### SAMOUBISTVA

U prva tri mjeseca 2023. godine na području Kantona Sarajevo registrovano je 14 samoubistava (četiri više), 11 muškaraca i tri žene.

##### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je pet pušaka, deset pištolja, dvije ručne bombe, dva noža, 485 kom. municije raznog kalibra, itd.

U periodu januar - mart ove godine fizičkim licima izdata su 582 odobrenja za nabavku vatrenog oružja i 632 oružna lista.

## JAVNI RED I MIR

U periodu januar - mart 2023. godine iz oblasti javnog reda i mira evidentiran je 1231 prekršaj (279 ili 29,3% više u odnosu na isti period 2022. godine), a za izvršenje navedenih prekršaja prijavljeno je 1278 lica (240 ili 23,1% više).

Zbog učinjenih prekršaja iz oblasti javnog reda i mira izdato je 1105 naloga i podneseno je 126 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 1137 prekršaja (ili 92,4%), a na prekršaje koji su utvrđeni Odlukom općinskih vijeća o javnom redu i miru 94 (ili 7,6%).

Od ukupnog broja prijavljenih lica, 329 su povratnika u činjenju prekršaja, a prema starosnoj strukturi učinilaca, najbrojniji su u dobi između 26 i 35 godina (579), više od 36 godina (510), između 19 i 25 godina (185) i do 18 godina - četiri.

Prilikom narušavanja javnog reda i mira u periodu januar – mart 2023. godine, nije bilo teže povrijeđenih lica (kao u istom periodu 2022. godine), dok je 19 lica (10 manje) lakše povrijeđeno.

Povećan je broj evidentiranih prekršaja iz oblasti javnog reda i mira u svim organizacionim jedinicama Uprave policije osim Jedinice za saobraćaj gdje je broj evidentiranih prekršaja smanjen za 13 ili za 65% u odnosu na isti period 2022. godine. Najveće povećanje je zabilježeno na području PU Centar (za 156 ili 67,2%).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA PERIOD JANUAR- MART 2023/2022.GODINA

STRUKTURA PREKRŠAJA	januar-mart 2023.	januar-mart 2022.	uporedba	
			+/-	%
UKUPNO prekršajnih naloga i zahtjeva za ppp	<b>1.231</b>	952	279	29,3%
UKUPNO lica	<b>1.278</b>	1.038	240	23,1%
Prekršaji prema Zakonu o prekršajima protiv JRiM:	<b>1.137</b>	894	243	27,2%
<i>-Tuča</i>	<b>57</b>	81	-24	-29,6%
<i>-Naročito drsko ponašanje</i>	<b>105</b>	109	-4	-3,7%
<i>-Odbijanje naređenja i omalovažavanje pol. služb.</i>	<b>76</b>	62	14	22,6%
<i>-Prosjačenje</i>	<b>452</b>	398	54	13,6%
<i>-Paljenje petardi</i>	<b>8</b>	9	-1	-11,1%
<i>-Uživanje opojne droge na javnom mjestu</i>	<b>132</b>	31	101	325,8%
<i>-Svađa, vika, nepristojno ponašanje</i>	<b>32</b>	38	-6	-15,8%
<i>-Ostali prekršaji</i>	<b>275</b>	166	109	65,7%
Prekršaji prema odluci općinskih vijeća	<b>94</b>	58	36	62,1%

U odnosu na uporedni period prošle godine, prema strukturi prekršaja povećan je broj sljedećih prekršaja:

- uživanje opojne droge na javnom mjestu za 101 ili 325,8%,
  - prosjačenje za 54 ili 13,6%,
  - prekršaji prema odluci općinskih vijeća za 36 ili 62,1% i
  - odbijanje naređenja i omalovažavanje policijskih službenika za 14 ili 22,6%,
- dok je smanjen broj prekršaja:
- tuča za 24 ili 29,6%,
  - svađa, vika, nepristojno ponašanje za šest ili 15,8%,
  - paljenje petardi za jedan ili 11,1% i
  - naročito drsko ponašanje za četiri ili 3,7%.



Prema mjestu izvršenja, najveći broj prekršaja evidentiran je na ulici i na drugim otvorenim prostorima (1156 ili 93,9% od ukupnog broja), na ostalim mjestima – 46, u ugostiteljskim objektima – 22, u trgovinama i zanatskim radnjama – dva i u vozilima javnog saobraćaja jedan prekršaj.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA PERIOD  
JANUAR – MART 2023/2022. GODINE

MJESTO IZVRŠENJA	januar-mart 2023.	januar-mart 2022.	uporedba	
			+/-	%
Ulica i drugi otvoreni prostor	<b>1.156</b>	876	280	32%
Ugostiteljski objekti	<b>22</b>	22	0	isto
Sportski stadioni i dvorane	<b>0</b>	1	-1	---
Vozila javnog saobraćaja	<b>1</b>	1	0	isto
Škole i školska dvorišta	<b>4</b>	3	1	33,3%
Trgovinske i zanatske radnje	<b>2</b>	5	-3	-60%
Ostala mjesta	<b>46</b>	44	2	4,5%
<b>UKUPNO</b>	<b>1.231</b>	952	279	29,3%

U odnosu na isti period 2022. godine povećan je broj prekršaja na ulici i drugim otvorenim prostorima za 280 ili 32%, na ostalim mjestima za dva ili 4,5% i u školama i u školskim dvorištima za jedan, dok je broj prekršaja smanjen u trgovinama i zanatskim radnjama za tri i na sportskim stadionima i dvoranama za jedan prekršaj.

Na području Kantona Sarajevo u protekla tri mjeseca održano je 505 javnih skupova (78 ili 18,3% više u odnosu na isti period 2022. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 133 slučaja izvršeno je KDZ osiguranje.

## SAOBRAĆAJ

U periodu januar-mart 2023. godine, u odnosu na isti period 2022. godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom, nezgoda sa nastradalim licima, kao i broja poginulih i povrijeđenih lica.

Registrovane su 2.524 saobraćajne nezgode (1.029 ili 68,8% više), od čega su 2.324 sa materijalnom štetom (1.022 ili 78,5% više) i 200 sa nastradalim licima (sedam ili 3,6% više).

U navedenim nezgodama tri lica su poginula (dva više), a 250 lica je povrijeđeno (šest ili 2,5% više), od čega 51 teže i 199 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
JANUAR – MART 2023/2022. GODINA

	januar-mart 2023.	januar – mart 2022.	uporedba	
			+/-	%
<b>UKUPNO SAOBRAĆAJNIH NEZGODA</b>	<b>2.524</b>	1.495	1.029	68,8%
Saobraćajne nezgode sa nastradalim licima	<b>200</b>	193	7	3,6%
Saobraćajne nezgode sa materijalnom štetom	<b>2.324</b>	1.302	1.022	78,5%
<b>POGINULO LICA</b>	<b>3</b>	1	2	200%
- vozači	<b>1</b>	0	1	---
-putnici	<b>1</b>	0	1	---
- pješaci	<b>1</b>	1	0	isto

POVRIJEĐENO LICA	<b>250</b>	244	6	2,5%
- vozači	<b>129</b>	126	3	2,4%
- putnici	<b>71</b>	76	-5	-6,6%
- pješaci	<b>50</b>	42	8	19%

U naselju je registrovana 2.231 saobraćajna nezgoda (dvije sa poginulim, 180 sa povrijeđenim licima i 2.049 sa materijalnom štetom), van naselja 293 nezgode (18 sa povrijeđenim licima i 275 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO  
JANUAR- MART 2023. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	41	139	2.049	<b>2231</b>	3	51	178
van naselja	0	0	18	275	<b>293</b>	0	0	21
<b>UKUPNO</b>	<b>2</b>	<b>41</b>	<b>157</b>	<b>2.324</b>	<b>2524</b>	<b>3</b>	<b>51</b>	<b>199</b>

Prema kategoriji puta, saobraćajne nezgode registrovane su:

- na ulicama u naselju - 1.414 nezgoda (jedno lice poginulo, 140 lica povrijeđeno),
- na magistralnim putevima - 230 (dva poginula i 40 lica povrijeđeno),
- na lokalnim putevima - 418 (25 lica povrijeđeno),
- na regionalnim putevima - 130 (17 lica povrijeđeno),
- na putevima koji se ubrajaju u kategoriju ostalih - 332 (18 lica povrijeđeno).

Prema karakteristikama puta, saobraćajne nezgode registrovane su:

- na raskrsnicama u naselju - 357 (jedno poginulo, 38 lica povrijeđeno),
- na raskrsnicama van naselja - 97 (šest lica povrijeđena),
- na pješačkim prelazima - 51 (15 lica povrijeđeno),
- na prelazu preko željezničke pruge – sedam (devet lica povrijeđeno),
- na mostu - jedna (bez nastradalih lica),
- na putevima koji se ubrajaju u karakteristike ostalih - 2.011 (dva lica poginula, 182 lica povrijeđena).

#### POSLJEDICE SAOBRAĆAJNIH NEZGODA

U periodu januar-mart 2023. godine, u saobraćajnim nezgodama na području Kantona Sarajevo nastradala su ukupno 253 lica (osam ili 3,3% više). Tri lica su poginula (dva ili 200% više), dok je 250 lica povrijeđeno (šest ili 2,5% više), od čega 51 teže (18 ili 54,5% više) i 199 lakše (12 ili 5,7% manje).

#### STEPEN POVREDA UČESNIKA U SAOBRAĆAJNIM NEZGODAMA

- vozači: 129 vozača povrijeđeno (19 teže i 110 lakše),
- putnici: 71 putnik povrijeđen (17 teže i 54 lakše),
- pješaci: 50 pješaka povrijeđeno (15 teže i 35 lakše).

Starosna struktura nastradalih lica u saobraćajnim nezgodama je slijedeća:

- Ispod 6 godina -šest lica,
- od 6 do 14 godina - osam,
- od 15 do 17 godina - šest,
- od 18 do 20 godina - 13,
- od 21 do 24 godina - 28,
- od 25 do 30 godina - 46,
- od 31 do 40 godina - 51,
- od 41 do 50 godina - 44,
- od 51 do 65 godina - 31,
- 66 i više godina - 16,
- nepoznata starosna dob - četiri lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 17 lica,
- od 23 do 30 godina - 28,
- od 30 do 40 godina - 36,
- od 40 do 50 godina - 31,
- od 50 do 60 godina - 13,
- 60 i više godina – pet lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 273 saobraćajne nezgode (67 lica povrijeđeno),
- uticaj alkohola - deset (dva lica povrijeđena),
- neispravan pneumatik - jedna (bez nastradalih lica),
- odron na putu - jedna (bez nastradalih lica),
- ostali uzroci - 2.239 saobraćajnih nezgoda (tri lica poginulo i 181. lice povrijeđeno).

#### AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, policijski službenici su kontrolisali ukupno 54.759 vozila (2.842 ili 5,5% više).

Zbog kršenja propisa iz oblasti sigurnosti saobraćaja vozačim jeuručeno 61.016 prekršajnih naloga vozačima (11.027 ili 22% više), podneseno 766 zahtjeva za pokretanje prekršajnog postupka (20 ili 2,7% više) i registrovano 26 događaja s obilježjem krivičnog djela zbog ugrožavanja sigurnosti saobraćaja (četiri ili 13,3% manje).

Zbog tehničke neispravnosti, iz saobraćaja je isključeno 161 vozilo (pet ili 3% manje), 856 vozača je zatečeno da upravljaju vozilom pod dejstvom alkohola (206 ili 19,4% manje), 1.176 bez korištenja sigurnosnog pojasa (400 ili 25,4% manje), 653 bez položenog vozačkog ispita (291 ili 80,4% više), 175 pod izrečenom zaštitnom mjerom (17 ili 8,8% manje), 876 vozača je zatečeno da koriste mobilni telefon tokom vožnje (133 ili 13,2% više), a 8.734 vozila otkrivena da učestvuju u saobraćaju bez važeće registracije (7.856 ili 894,8% više – rezultat rada nadzornog sistema „SPARTA“).

Policijski službenici Uprave policije organizovali su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

U izvještajnom periodu od višestrukih povratnika u vršenju prekršaja iz oblasti ZOOBS-a nije bilo oduzetih motornih vozila.

#### MIRUJUĆI SAOBRAĆAJ I KONTROLA PJEŠAKA

U periodu januar-mart 2023. godine, pripadnici Uprave policije su uručili 29.264 prekršajna naloga (2.242 više) vozačima koji nisu poštivali saobraćajne propise prilikom parkiranja, upozorili 562 vozača (123 manje), a specijalnim vozilom „pauk“ premjestili su 289 vozila (118 manje).

Također, pješacima koji su kršili saobraćajne propise uručen je 698 prekršajni nalog (267 više), a upozoren je 41 pješak (21 više).

#### ZAKONITOST U RADU

Tokom prva tri mjeseca 2023. godine, registrovano je pet pojedinačnih napada (dva ili 66,7% više) na policijske službenike Uprave policije MUP- Kantona Sarajevo. U napadima je učestvovalo pet punoljetnih lica koja su koristila fizičku snagu.

Policijski službenici Uprave policije su tokom izvještajnog perioda u devet slučajeva (jedan ili 12,5% više) opravdano upotrijebili silu.

Tokom prvog tromjesečja 2023. godine, razmatrano je 76 predavki na rad policijskih službenika (55 predavki je podneseno od strane građana, a 21 predavka predstavlja saznanja iz službe).

Nakon razmatranih predavki, Odbor za žalbe građana Skupštine Kantona Sarajevo donio je zaključak da se za 19 predavki provede unutrašnja istraga, za 48 je odlučeno da se izvrše provjere i prikupi dokumentacija, u pet slučajeva predavke su neosnovane i četiri slučaja Odbor je primio k znanju.

Okončano je 28 unutrašnjih istraga, od čega su četiri osnovane, deset je bilo bez dovoljno dokaza, u šest slučajeva istrage su neosnovane, u dva slučaja odustanak stranke, jedna obustva i u pet slučajeva prekid internog postupka do okončanja krivičnog postupka ili do okončanja istrage.

#### RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog perioda preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, udruženjima građana i nevladinim organizacijama.

Policijci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnijeg ambijenta za život svih kategorija stanovništva.

Za učenike osnovnih i srednjih škola na području Kantona Sarajevo u izvještajnom periodu održano je 106 edukativnih radionica sa sljedećim temama:

- „Djeca u saobraćaju“,
- „Stop vršnjačkom nasilju“,
- „Cyberbullying“,
- „Oružje ne štiti, oružje ubija“,

- „Borba protiv trgovine ljudima“,
- „Stop drogama“,
- „Lopov uvijek bude otkriven“,
- „Policajac moj prijatelj“,
- „Prevenција maloljetničkog prijestupništva“, itd.

Navedenim edukacijama prisustvovalo je 3.505 učenika osnovnih i srednjih škola.

Takođe, tokom perioda januar - mart ove godine realizovane su sljedeće aktivnosti:

- Organizovan pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostvarivali kontakt sa žrtvama nasilja kao i sa nasilnikom, da bi osigurali poštivanje izrečenih zaštitnih mjera, veći stepen sigurnosti žrtve kao i preventivno djelovanje na eventualno ponavljanje nasilja,
- Ostvarivani su kontakti sa predstavnicima osnovnih i srednjih škola u Kantonu Sarajevo, s ciljem preventivnog djelovanja na različite neprihvatljive pojave u i oko školskih prostora,
- Ostvarivani su kontakti sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela,
- Ostvarivani su kontakti sa sekretarima i članovima savjeta mjesnih zajednica, u cilju unapređenja osjećaja sigurnosti i jačanja povjerenja građana u rad policije.

## MIGRANTI

Na osnovu mjesečnih izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima broj migranata se u 2023. godini kretao od 520, koliko je bilo u mjesecu februaru, do 701 koliko je evidentirano u mjesecu martu ove godine.

BROJ MIGRANATA KOJI JE BORAVIO NA PODRUČJU KANTONA SARAJEVO U PERIODU JANUAR - MART 2023. GODINE  
(SLOBODNA PROCJENA I PODACI IOM-a) PO MJESECIMA

godina/mjesec		januar	februar	mart
<b>2023. godina</b>		<b>690</b>	<b>520</b>	<b>701</b>
2022. godina		1.141	1.167	964
UPOREDBA	+/-	-451	-647	-263
	%	-39,5%	-55,4%	-27,3%

Migranti su učestvovali u tri događaja sa obilježjem krivičnog djela (14 ili 82,3% manje) i to:

- *Teška krađa (čl. 287. KZ FBiH) – jedan i*
- *Razbojništvo (čl. 289. KZ FBiH) – dva događaja.*

Tokom perioda januar - mart 2023. godine, policijski službenici su proveli dvije akcije, kontrolisali 50 migranata, od čega su dva predata Službi za poslove sa strancima radi registracije i smještena u prihvatni centar na području Kantona Sarajevo.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI**

<b>PERIOD JANUAR - MART 2023. GODINE</b>	<b>KANTON SARAJEVO</b>
UKUPAN BROJ MIGRANATA KOJI <b>TREKUTNO</b> BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	701
UKUPAN BROJ KONTROLISANIH MIGRANATA	50
BROJ MIGRANATA LIŠENIH SLOBODE	3
BROJ KRIVIČNIH DJELA POČINJENIH OD STRANE MIGRANATA	3
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	3
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	1
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	2

**Sarajevo, 17.04.2023. godine****Odjeljenje za odnose s javnošću**